



## Al het ek geval, ek staan weer op...

**God verander trane in 'n glimlag, hartseer in blydschap en gister se seer in môre se geluk. Deur gebed verander Hy jou hele lewe. Wanneer God jou hele bestaan geword het, kom jy niks kort nie.**

Die NHSV se tema vir 2024, *Al het ek geval, ek staan weer op...* (Miga 7: 8, AFR2020), vloei voort uit een van die beskrywingspunte wat gedien het by die 2023 NHSV Nasionale Kongres en wat gehandel het oor geestesgesondheid.

Geestesgesondheid beïnvloed ons denke, gevoelens en optrede saam met ons gesinslede by die huis, met kollegas by die werk en waar ons betrokke is in die samelewing en by die kerk. Ons emosionele, sielkundige en sosiale welstand bepaal hoe ons stres hanteer en met ander mense omgaan, en die keuses wat ons maak.

Ons is so pas deur die Kerstyd en 2024 het aangebreek met nuwe geleenthede en uitdagings, maklike sowel as moeilike tye, en gelukkige tye met teenspoed wat dalk wag.

Dit is juis waarom ons vir mekaar sê: *Ek wens jou die beste toe in jou mooiste, wonderlikste en gelukkigste tye! Mag jy die Here se teenwoordigheid beleef in die jaar wat voorlê.*

Wanneer ons vir mekaar sê voorspoed vir die nuwe jaar, weet ons egter die jaar wat voorlê gaan nie net altyd rooskleurig wees nie. Vir baie van ons is geestesongesteldheid 'n werklikheid van ons alledaagse bestaan, met 'n stigma wat daaraan bly kleef.

Ons sê dan ook vir mekaar: *Ek wens jou die Here se bystand toe in die krisistye, moeilike, hartseer en swaarkrytje, want God is by jou!* In ons depressie, angs, verhoudingsprobleme, verslawing, leerprobleme en stresvolle situasies, weet ons Immanuel – God met ons – is daar vir ons!

Die Here is met jou en Hy is by jou. In die wonderlike, gelukkige tye, gee aan Hom al die eer en leef in dankbaarheid jou geloof uit. Dit is alles genade uit sy hand.

God is ook daar in jou dal-van-doodskaduwee-oomblikke, seerste oomblikke, donker oomblikke waar dit voel of jy in stormwater verdrink of in dryfsand wegsink.

Slegte hoofstukke in jou lewe kan steeds lei tot 'n goeie lewensverhaal. Verkeerde paaie en ompaaie in jou lewe kan jou steeds by die regte plek uitbring. Verlore drome bepaal nie jou lewensrigting nie en teenspoed is net tydelik. Suksesvolle mense moes partykeer hulself verloor om hulself weer te vind.

Deur sy geloof loop Petrus op die water na Jesus toe, maar toe hy wegkyk en sien hoe sterk die wind is en bang word, begin hy sink, en Jesus steek sy hand uit en red hom. Fokus jou gedagtes op die Here en nie op die chaos rondom jou nie. Dit bring vrede vir jou siel en genesing vir jou liggaam. Vertrou altyd op die Here, want Hy is ons ewige rots.

Mag ons leer om deur ons trane die reënboog te sien.

Mag ons weet dat elke toets lei tot 'n nuwe begin.

Mag ons insien dat die toets wat jou karakter beproef, daartoe kan lei dat jy jouself kan verbeter.

Mag ons verstaan dat seer kom met lesse waarvan ons almal kan leer.

*Die Here sal jou seën en jou behoed; die Here sal sy aangesig oor jou laat skyn en jou genadig wees; die Here sal sy aangesig oor jou verhef en aan jou vrede gee (Num 6: 24-26, AFR53).*

Jesus Christus het reeds afgebuig na ons toe en ons straf gedra aan die kruis. Daarom kan ons opstaan as ons geval het, want aan sy liefde is daar geen einde nie!

**Mev Mari-lizé Beukes, voorsitter NHSV Hoofbestuur**

Om Blitsposte ontvang, stuur 'n e-pos na [bladuitleg@nhk.co.za](mailto:bladuitleg@nhk.co.za) of [grafies@nhk.co.za](mailto:grafies@nhk.co.za) en versoek dat u naam op die versendingslys geplaas word

Nuus, berigte en kort kommentaar (uiters 100 woorde) aan [produksie@nhk.co.za](mailto:produksie@nhk.co.za)

Webblad van die Hervormde Kerk [www.nhka.org](http://www.nhka.org)

Die redaksie aanvaar verantwoordelikheid vir die inhoud. Menings deur skrywers uitgespreek, is egter nie noodwendig die beleid of standpunt van die Hervormde Kerk nie.

## Lief en leed

- **Die volgende predikante verjaar tot 2 Februarie, en word hartlik geluk gewens:**
  - Donderdag 25 Januarie: Di R (Riaan) Botha (54) (Lydenburg), PJJ (Pierre) Kotze (74) (emeritus) en A (Annieka) Pottas (30) (Montana)
  - Vrydag 26 Januarie: Di BM (Marita) Engelbrecht (52) (Komatipoort), RL (Richard) van der Westhuizen (59) (Tzaneen) en M (Marsulizé) van Niekerk (35) (Upington)
  - Saterdag 27 Januarie: Ds WE (Elmien) Snyman (56) (Sundra/Zesfontein)
  - Sondag 28 Januarie: Ds S (Sanet) van der Walt (44) (ampsvoorreg/nie-diensdoende)
  - Maandag 29 Januarie: Prof J (Jaco) Beyers (53) (UP/ Centurion-Oos), di L (Leon) Geel jr (34) (Midstream) en H (Heloïse) Herbst (55) (Rietvallei)
  - Donderdag 1 Februarie: Di JS (Fanie) Naudé (79) (emeritus/Greylingstad) en AM (Andries) Nel (67) (emeritus)



Ds Retha Losper

## Gemeentes en bediening


- **Ds IM (Retha) Losper** van Ogies/Suidoos-Witbank (deeltyds) het 'n beroep ontvang na Suidoos-Witbank. Sy het die beroep aanvaar en word op 11 Februarie om 11:00 daar bevestig. Sy sal dus nie verder by Ogies werksaam wees nie.
- **Ds Mariët Robbertze** word Sondag 4 Februarie om 11:00 bevestig in **Gemeente Kempten**. Die kerkgebou is by Blouborsiestraat 9, Van Riebeeckpark. RSVP asseblief teen 28 Januarie by Celma (083 478 1044) indien u die diens wil bywoon.
- **Ds AC (Anel) Boshoff** word Sondag 4 Februarie om 13:00 in Gemeente Goudveld bevestig. Die diens sal waargeneem word deur dr Carel Botma. Ds Anel en Neels se dogtertjie, Anna-Bella, word dan ook gedoop.
- **Ds M (Markus) Pretorius** word Sondag 28 Januarie bevestig in Gemeente Weltevreden.
- **Tweede werkrumte vir Gemeente Gaborone.** Gemeente Gaborone ontvang graag aansoeke vir 'n **tweede volsorgwerkrumte**. 'n Suksesvolle kandidaat bedien die Afrikaans- en Engelssprekende gemeente van ongeveer 120 gesinne, asook die breër gemeenskap. Die dinamiese en diverse werkende gemeente is saamgestel uit uitgewekenes en permanente burgers, met lidmate wat afkomstig is van verskillende denominasies. Van aansoekers sal vereis word om 'n uitgesproke volgeling van Jesus te wees; te beskik oor voltooide opleiding aan 'n tersiêre instansie; bereid te wees om te verhuis na Botswana; en 'n dinamiese, roepingsbewuste, nie-diskriminerende en bevoegde prediker en evangelis te wees. Die twee werkrumtes dien parallel saam in die gemeente volgens gawes en pligstaat, soos uiteengesit deur die geloofleiers en die gemeente. Vergoeding is op 'n volsorgbasis wat behuising, medies, motortoelaag, pensioen, selfoon en kontantdeel (10-jaar-skaal) insluit. Aansoeke aan Miranda de Wet ([dewetmiranda3@gmail.com](mailto:dewetmiranda3@gmail.com)) **sluit op 31 Januarie 2024**. Die suksesvolle kandidaat se permitproses om in Botswana te kan woon en werk, begin onmiddellik nadat die beroep aanvaar is.



Ds Mariët Robbertze



Ds Anel Boshoff



Ds Markus Pretorius

## Vergaderings

- Vrydag 26 Januarie: Beleggingskomitee
- Dinsdag 30 Januarie: Amptelike opening van die Sinodale Dienssentrum
- Vrydag 2 Februarie: Moderamen

## Hervormde Teologiese Kollege

- Die **opening van die HTK** vind op **14 Februarie om 10:00 by Gemeente Philadelphia** plaas. Die prediker is **dr Thinus van Staden** en **ds Marina Kok-Pretorius** sal 'n referaat lewer oor 'n *Ruimtelike perspektief op Boek IV van die Psalms: Herinnering en verbeelding in Psalms 90 tot 92 en Psalms 105 tot 106*. **Dr Thinus van Staden** lewer 'n groeteboodschap **namens die Kuratorium** en **prof Jaco Beyers** **namens die Fakulteit**. 'n Vingerete word na afloop van die verrigtinge in die saal bedien. Almal is welkom en belangstellendes wat die oggend wil bywoon, moet by Clarika Hattingh – [clarikah@nhk.co.za](mailto:clarikah@nhk.co.za) – bevestig.
- **Geleentehede vir Tydelike Deeltydse Dosente by die HTK**. Ingevolge Besluit 46 van die 72ste AKV asook aanvullende besluite by ander AKV's, is die beginsel bevestig dat die HTK uitgebrei moet word. Dit behels dat die hoof van die HTK, in oorleg met die Kuratorium, predikante van die NHKA met 'n nagraadse kwalifikasie sal benoem om as dosente van die HTK op 'n tydelike deeltydse basis behulpsaam te wees met die doseerwerk by die HTK, en om medeverantwoordelik te wees vir die uitbou van Hervormde teologie. Die doel van hierdie benoemings is om toekomstige akademici daar te stel.

Die Kuratorium, in oorleg met die Kommissie van die AKV, het besluit om die volgende deeltydse poste te adverteer:

- Nuwe Testament en Verwante Literatuur;
- Ou Testament en Verwante Literatuur;
- Dogmatiek en Etiek;
- Historiese Teologie; en
- Praktiese Teologie.

Dosente wat by die HTK benoem word, ontvang die volgende opdrag:

- Nuutaangestelde dosente vergewis hulself voortdurend van die groter akademiese diskoers in hul vakgebied. Daar kan in dié verband met dosente aan die verskillende teologiese fakulteite gekonsulteer word.
- Daar word van die onderskeie dosente verwag om jaarliks minstens een artikel in 'n akademiese vaktydskrif te publiseer.
- Lidmaatskap van 'n vakwetenskaplike vereniging en die bywoning van kongresse is 'n vereiste.
- Dosente van die HTK moet werkgemeenskappe in hul betrokke vakgebiede skep om voortgesette navorsing en publikasies te help verseker. Vanuit hierdie werkgemeenskappe word die Kerk ook van teologiese advies bedien.
- Werkgemeenskappe kan op 'n gereelde basis simposiums aanbied waarby soveel moontlik teoloë en belangstellendes uit die Kerk betrek word.
- Daar word verwag dat die dosente, soos nodig, by Voortgesette Teologiese Toerusting (VTT) van predikante betrokke sal wees.
- Die aanbied van lesings by die HTK.

Die benoeming geld vir 'n tydperk van twee jaar, waarna die Kommissie van die AKV in oorleg met die Kuratorium oor 'n nuwe benoemingsproses al dan nie, sal besin. Daar sal ook in oorleg met die hoof van die HTK vir bedryfskoste aan die pos verbonde, voorsiening gemaak word. Voornemende kandidate kan 'n CV aan mev Clarika Hattingh by [clarikah@nhk.co.za](mailto:clarikah@nhk.co.za) stuur waarin onder andere akademiese kwalifikasies, 'n lys van publikasies, onderrigervaring en betrokkenheid by vakwetenskaplike instansies weergegee word.

**Die sluitingsdatum vir aansoeke is 31 Januarie 2024** en voorkeurkandidate sal vir 'n onderhoud genooi word. Die beoogde datum van aanstelling is 1 April 2024. Navrae kan gerig word aan die voorsitter van die Kuratorium, dr Thinus van Staden (084 589 7035), of die ondervoorsitter van die Kuratorium, dr Hein Delpport (082 341 7205).



## Kerklke en ander publikasies



Bybelse Dagboek / Almanak 2024  
R200 (versending uitgesluit)

Kry belangrike inligting oor die Hervormde Kerk én 'n inspirerende Bybelse dagboek in een omslag

Bestel by  
boekwinkel@nhk.co.za



- In 1970 is *God laat dit groei*, wat die geskiedenis van die eerste 150 jaar van die **Bybelgenootskap van Suid-Afrika** se bestaan beskryf, uitgegee. Ter voorbereiding van die 200-jarige feesvieringe in 2020 is eers beplan vir 'n soortgelyke boek, en dr Eric Hermanson, wat in 2005 as hoof van die Departement Vertaling en Teksversorging afgetree het, is versoek om die gedeelte oor Bybelvertaling te skryf. Hy het ingestem om oor die Bantoe-, Khoi- en San-vertalings wat onder die BSA se toesig gedoen is te skryf, as iemand anders die Afrikaans sou doen.

Daar is later besluit om die idee van die voorgestelde boek te laat vaar. Omdat hy toe reeds so ver gevorder het, het dr Hermanson voorgestel dat hy die werk klaarmaak, sodat dit as 'n boek oor die BSA se vertaalwerk uitgegee kon word, wat hy wel gedoen het. Maar die manuskrip is toe in die argief geplaas omdat daar geen fondse was om dit te laat druk nie.

In 2022 het dr Hermanson voorgestel dat hy 'n hoofstuk skryf oor die Afrikaans, wat nie gedoen is nie, en dat die befondsing van die publikasie deur 'n voorafbetaalde spesiale aanbod ingesamel word. Sy aanbod is aanvaar, en met behulp van prof Bernard Combrink is die hoofstuk oor die Afrikaans tot en met die 2020-vertaling saam met foto's voltooi.

Verlede jaar het die BSA se Raad van Direkteure besluit om dit wel te laat druk. Bestellings vir die boek teen die spesiale voorafbetaalde aanbodprys kan nou op die BSA se webwerf geplaas word. Die bekendstellingsprys sal R299 wees, maar **Eric A Hermanson se boek *Lighting the lamp on the pathway of life: A journey through Bible Translation in Southern Africa*** kan nou reeds *hier* aanlyn bestel word teen die **spesiale voorafbestellingsprys van R199** (BTW ingesluit). **Bestel asseblief voor 28 Maart** – die boek word Maandag 1 April 2024 vrygestel. Die **afleringskoste in Suid-Afrika is R99** vir een of meer boeke.

## Paulus: Van Fariseër tot Kerkleier

Paulus se lewe en passie om die evangelie van Christus in die wêreld te bring, soos wat Lukas dit in *Die Handeling van die Apostels* vertel, het die verhaal van die Christelike kerk geword. Die kerk is geroep om soos Paulus gestuurdes te wees. Die inhoud van hierdie Bybelstudiehandleiding is inspirerend en laat 'n mens ontdek dat jy aan God behoort, en in Christus gered is. Die inhoud word aangevul met Bybelse argeologiese ontdekkings wat die boodskap treffend illustreer.

Die publikasie verskyn in twee formate:

Met meer as 110 kleurillustrasies: R250 (plus koerierkoste)  
Sonder kleurillustrasies: R160 (plus koerierkoste)

Bestel van ds CAP (Neels) van Tonder  
nvtonder@vodamail.co.za / 072 633 3367



## 'n Gedig

### Fantasie

My pen dring aan  
op wysheid  
oor die vaderland,  
die kuns, die liefde:  
berymde eensaamheid  
van een wat min  
van al dié dinge weet.

Maar die ongerymde  
werklikheid wil sê:  
oor die rondings van ons eie  
wit-blou ster  
loop bokke van ons hoop  
vervaard  
en val  
soos fakkels  
in die brandende heelal.

### Ernst van Heerden

(Uit: *Tyd van verhuising*, 1975)

## Toerusting

- Lees [hier](#) prof **Natie van Wyk se artikel** *Joodse weerwraak en broeder Jesus se bergrede*. Hy skryf oor die stryd tussen Israel en die Palestynse bevolking, en oor die etiek van kompromieë: *Vrede kan en sal slegs deur onderhandeling bereik word. ... Nie een van die strydende partye dink op hierdie stadium aan kompromieë nie, maar die toekoms sal leer dat daar nie 'n ander weg is nie.*
- Aansoeke uit Suid-Afrika en Kenia kan nou ingedien word vir die **opleidingsprogramme vir 2024-2025 van die WCRC** (World Communion of Reformed Churches) se Global Reformed Advocacy Platforms for Engagement (GRAPE). Dié wêreldwye inisiatief doen voorspraak vir ekonomiese geregtigheid en die bevordering van vrede, in samewerking met plaaslike kerke. Die **sluitingsdatum vir aansoeke is 11 Februarie 2024**, en die onderhoud met die kandidate op die kortlys sal tussen 20 en 23 Februarie 2024 gevoer word. In-persoon-ontmoetings met die geselekteerde kandidate sal in Johannesburg en Kaapstad plaasvind, en die kandidate moet in staat wees om internasionaal te reis. Meer inligting en die inskrywingsvorm is [hier](#) beskikbaar.

## Barmhartigheid

- Die NHSV het 2024 ingelui met 'n Facebook-blad waarop ons inligting gaan deel spesifiek gefokus op NHSV dienswerk in die Kerk en samelewing, waardevolle inligting ten opsigte van die NHSV en geestelike toerusting vir ons vrouelidmate. Alle vrouelidmate en enige belangstellendes word uitgenooi om deel te wees van ons **NHSV Hoofbestuur Facebook-blad** en te deel in al die kommunikasie en interessante artikels. Klik [hier](#).
- **Vakature vir Professionele Assistent: Diakonaat.** Aansoeke word ingewag vir die vakante pos van die professionele assistent: diakonaat. Die suksesvolle kandidaat sal gedeeltelik vanuit 'n tuiskantoor werk, maar ligging in Pretoria of Krugersdorp en omgewing is nodig vir in-persoon-kantoorwerk en vergaderings. Die pos word gedeel deur die ADV-kantoor van die NHKA, Rata Maatskaplike Dienste, die Kinderhuise van die NHKA en Plesion NPC.



## Posbeskrywing

'n Persoon met 'n passie vir barmhartigheid word benodig as professionele assistent, van wie onder andere verwag word om goeie administratiewe vaardigheid toe te pas in terme van kantoorbestuur, uitvoer van administratiewe take oor 'n wye terrein van diakonale werk, skakeling met gemeentes, skakeling met direksies van maatskappye, opstel en versorging van amptelike dokumente, liassing en die bestuur van elektroniese platforms (bv Zoom).

## Vereistes

- Uitstekende administratiewe vaardigheid en akkuraatheid.
- Volledige tweetaligheid in Afrikaans en Engels, sowel gesproke as geskrewe taal.
- Goeie vaardigheid in die gebruik van Microsoft Word en Outlook.
- Rekenaarvaardigheid (Microsoft Word, Outlook, PowerPoint, Excel, PDF, Zoom, ens).
- Vermoë om onafhanklik te werk en goeie tydsbestuur toe te pas.
- Vermoë om vergaderings te reël en organiseer, sowel via elektroniese platforms as in-persoon-vergaderings.
- Oordrag en aanbieding van inligting.
- Volg van instruksies, prosedures en prosesse.
- Besluitneming en inisiëring van aksie.
- Vermoë om onder druk te werk.

## Kwalifikasies en ondervinding

- Matrieksertifikaat.
- Diploma/kursus in administratiewe/sekretariële werk.
- Microsoft Word – gevorderde gebruiker (*power user*).
- Geldige rybewys.
- Minimum drie jaar ervaring in 'n administratiewe rol.
- Werk in 'n omgewing waar vertroulikheid en sensitiwiteit uiters belangrik is.

## Vergoedingspakket

- Voltydse pos met markverwante en onderhandelbare vergoeding.
- Reiskoste ten opsigte van kantoorwerk en vergaderings sal onderhandel word.
- 'n Skootrekenaar word voorsien, terwyl internetkoste en telefoonkoste vergoed word op grond van onderhandeling met die suksesvolle kandidaat.

**Sluitingsdatum vir aansoeke is 7 Februarie 2024.** CV's met 'n motiverende skrywe en kwalifikasies moet gestuur word na [info@rata.org.za](mailto:info@rata.org.za).

- **Louis Trichardt-behuisingskompleks vir bejaardes** in Danville, Pretoria, bied kamergeriewe met twee etes per dag teen R3 850 per maand. Vir meer inligting, kontak mev Yvonne Willemse of matrone Jenny Wesson by 012 386 5310.
- **Ons Tuis (Andries Marié Oosthuizen) in Parys** het plek beskikbaar in die tehuise vir versorging van verswakte bejaardes teen R9 760 per maand. 'n Volledige versorgingsfasiliteit sluit in 24-uur-versorging, drie maaltye per dag en sekuriteit. Behuisingsfasiliteite teen R5 990 per maand is ook beskikbaar op dieselfde perseel; dit sluit drie etes en weeklikse wasgoed en skoonmaak van kamers in asook gratis deelname aan sosiale programme. Vir meer besonderhede, skakel matrone Teresa Broodryk by 056 811 2185.
- **Seniordal-aftreeoord** is die eiendom van die NHKA se **Gemeente Pretoria** en spesialiseer in lewensregverkope en verhuur aan selfversorgende persone ouer as 55 jaar. Die oord is geleë in die veilige omgewing van Rietondale in Pretoria. Seniordal beskik oor 24-uur-veiligheidsdienste en toegangsbeheer, en bestaan uit die volgende woonstelle:

Enkelwoonstel (*bachelor*): R495 000

Eenslaapkamer: R515 000

1½-slaapkamer: R520 000

Tweeslaapkamer: R560 000

Kontak Salomie Stolz by 012 329 4313 of 083 308 0520 (08:00-12:00) vir meer inligting.

- **Herfsakker Selfsorg-aftreeoord in Groblersdal:** Behuising beskikbaar vir persone ouer as 60. Geen versorging beskikbaar nie, persone moet selfversorgend wees. Geen etes word voorsien nie. Eie tuin. Tariewe is per vierkante meter en verskil van huis tot huis. Deposito van twee maande huur betaalbaar. Vir meer besonderhede, skakel Frik Rossouw by 082 830 6591.
- **Belfast Rusoord** bied onder meer 24-uur mediese versorging, CCTV, 24-uur-toegangsbeheer, drie gebalanseerde maaltye per dag, en aktiwiteite vir elkeen. Daar is fasiliteite vir semiversorging, verswakte bejaardes, en woonstelle vir selfversorging. Kontak Riana de Villiers by 013 253 31211 / 063 663 7449 / [manager@belfastrusoord.co.za](mailto:manager@belfastrusoord.co.za) vir meer inligting en tariewe.
- **Athalia Uitreik in Bloemfontein** bied verblyf vir en versorging van bejaardes en persone met gestremdhede. Daar is enkel- en deulkamergeriewe in 'n huislike atmosfeer, verblyf met drie etes ingesluit, verblyf sonder versorging, en 24-uur-versorging. Navrae: 079 826 6363 / 084 023 0315 / 051 522 6089 / [navrae@athalia.co.za](mailto:navrae@athalia.co.za) / [www.athalia.co.za](http://www.athalia.co.za).

## Fondsinsamelings

- **Oornagfasiliteite: Seniordal.** Seniordal beskik oor oornagfasiliteite vir persone wat vergaderings of kongresse moet bywoon, of wat dokters moet besoek, of verblyf benodig vir familie van persone wat in die hospitaal is. Daar is veilige parkering en 24-uur-sekuriteit. **Vir navrae oor tariewe en vir besprekings**, kontak Salomie Stolz gedurende kantoorure 08:00-12:00 by 012 329 4318, of na ure by 083 308 0520.

## Studentesake

- **Gemeente Stellenbosch: Eerstejaarskamp.** Is jy 'n Matie in 2024? Kom kamp dan saam van **Sondag 28 tot Dinsdag 30 Januarie 2024**. Leer mekaar ken, leer die omgewing ken en kom geniet dit net. Koste: R400 per persoon. Kontak dr Chris le Roux by [cleroux@mweb.co.za](mailto:cleroux@mweb.co.za) of 079 495 3239 vir meer besonderhede.
- **Gemeente Potchefstroom-Studente: Eerstejaarskamp**  
**30 Januarie – 2 Februarie 2024**  
By Venterskroon-kampsterrein  
Kry inligtingsvorm vir jou besonderhede  
<https://forms.gle/qZZrekn4VbZ6GFzH6>  
Vir meer inligting, skakel dr Rudy Denton by 082 459 9710
- **Studentebehuising. Gemeente Stellenbosch** kan veilige behuising op die kerkterrein en op die kampus aan studente verskaf. Dit bestaan uit óf enkelkamers met gedeelde fasiliteite, óf eenmenswoonstelle. Skakel dr Chris le Roux by 079 495 3239 of stuur 'n e-pos na [stellenbosch@nhk.co.za](mailto:stellenbosch@nhk.co.za) vir meer inligting.
- **Studentebehuising. Gemeente Philadelphia** verskaf aan studente veilige behuising by Fleur de Lis op die kerkterrein. Dit bestaan uit enkelkamers met gedeelde fasiliteite. Die behuising is binne stapafstand van die kampus en winkelsentrums. Skakel dr Sanrie de Beer by 083 226 1866 of stuur 'n e-pos na [nhkphiladelphia@gmail.com](mailto:nhkphiladelphia@gmail.com) vir meer inligting.

## Betaalde advertensies in hierdie nuusbrieff

**Advertensies waarvan 'n private individu of instansie die begunstigde is, of waarin 'n gemeente 'n projek prominent wil bekendstel, kan in hierdie nuusbrieff geplaas word. (Tekskennisgewings van gemeentes is gratis.)** Indien 'n jpg-weergawe van die advertensie voorsien word, **moet dit 15,5 cm breed x 6,5 cm hoog wees, resolusie 1878 x 815 pixels, 150-300 dpi.**

Stuur die voorgestelde **teks van nie meer nie as 75 woorde** met of sonder eenvoudige



grafika of 'n foto saam met die bewys van betaling aan mev Tessa Oppermann, per e-pos na [produksie@nhk.co.za](mailto:produksie@nhk.co.za). GEEN advertensie sal geplaas word sonder die betalingsbewys nie.

Die **teks en bewys van betaling** moet mev Oppermann bereik teen 16:00 op die Maandag voor die betrokke uitgawe se verskyning. *Blitspos* word normaalweg die Woensdagoggend afgehandel en teen die middag op die webblad gelaai. Indien die plasing meer as een keer moet geskied, moet aangedui word op watter datums dit moet verskyn, met betaling vooruit vir al die beoogde plasings.

**Die koste is R250 per plasing (BTW ingesluit).** Die verskuldigde bedrag moet uitgemaak word aan die Raad van Finansies, ABSA tjekrekening nommer 020-000-287, takkode 632-005, **verwysing: u naam + Blitspos. Neem kennis dat die redaksie in uitsonderlike gevalle mag besluit om 'n advertensie nie te plaas nie en die adverteerder se geld terug te betaal.**

## Gebed vir die week

God van Liefde,  
U is met ons in elke oorgang en verandering.  
Nou, terwyl ons hierdie nuwe jaar betree  
met opgewondenheid en 'n tikkie angs,  
dink ons aan u diepe deernis,  
u teenwoordigheid,  
u oorvloedige liefde.  
Ons dank U vir die gawes, talente en vaardighede  
waarmee U ons geseën het.  
Ons dank U vir die ervaringe  
wat ons tot hier gebring het.  
Ons dank U vir ander se insette  
wat breedte en diepte gegee het aan ons eie pogings.  
Wees met ons terwyl ons aanbeweeg,  
en help ons om ons steeds in U te verbly,  
en mekaar te ondersteun.  
Ons vra dit in u heilige Naam.  
Amen.

Joseph P Shadle

[womansday.com/life](http://womansday.com/life)

(Afrikaanse verwerking: Tessa Oppermann)